

Avskrift frå rettsboka for Ytre Nordhordland jordskifterett
for det som etterståande vedkjem :

Ar 1973, den 3. september vart jordskifterett sett i huset
til Karl Ryland på gur. 43, Ryland i Meland herad.

Rettsformann : Jordskiftedommar Sverre Aardal.

Jordskiftemenn : 1. Alfred J. Langeland, Frekhaug.
2. Magne Askeland, "

Protokollfører : Jordskifteteknikar Hils Klakegg.

Sak nr. 8/1971.

Saka gjeld : Grensegang og jordskiftekrav for Naustnøset
og nausttomter i Gamlesvika under gur. 43,
Ryland i Meland herad.

Saksøjarar :

1. Karl Ryland, eigar av gur. 43, bnr.5, Ryland i Meland.
2. Ingvald Ryland, " " " 43, " 8, " "

Saksøkte :

1. Normann Isdal, " " " 43, " 1, " "
2. Johannes Veland, " " " " " 2, " "
3. Kristine Olsen, " " " " " 3, " "
4. Einar Danielsen d.y. " " " " 4, " "

Framsett i retten var :

Karl Ryland, Ivar Ryland for far sin Ingvald Ryland ved skriftleg
fullmakt. Normann Isdal, Johannes Veland, Øyvind Olsen for kona
si Kristine Olsen ved skriftleg fullmakt, Einar Danielsen d. y.
samen med far sin Håkon Danielsen.

Framlagt i retten vart :

1. Krav om denne jordskiftesak av 15/10-1971 underteikna av
Karl og Ingvald Ryland.
2. Gjenpart av innkalling til dette rettsmøtet av 1. august 1973
med førebels og endeleg nemnsoppnevning og vedhefta post-
kvittering av 2.8.73 for rek. brev til partane.
3. Skriftleg fullmakt udatert frå Kristine Olsen til Øyvind Olsen.

4. Skriftleg fullmakt av 3/9-73 frå Ingvald Ryland til Ivar Ryland.

Dei framlagde dokument vart opplesne. Dessutan vart hatt tilstades i retten:

1. Avskrift av utmarkskjøftinga for Ryland, slutta 10/11-1921.
2. Ekstrauskift av utskifting av 6. april 1875 på garden Ryland.
3. Ekstrauskift av overutskifting på Ryland av 13. september 1875.
4. Originalkart av utmarka til Ryland oppteke 1918 av Bergvin Krokaas.
5. Kart over utmarka til Ryland oppteke 1874 av F.J. Julin.

Av dei tilstades hadde dokument vart opplest so mykje som dei møtande fann turvande.

Rettsformannen las opp §§ 106-108 i domstollova, og etter tilspurnad frå rettsformannen kom der ikkje noko innvending mot sammansetjinga av retten og retten sa seg gjeld i saka.

No fekk saksøklarane ordet og ba om å få saka fremja og klårgjorde sitt syn vedkommande sakstilhøvet.

Deretter fekk dei saksøkte ordet og desse fekk og klårgjere sitt syn på saka.

Det synte seg å vera ulike meininger om eigedomstilhøva på Naustneset og retten saman med partane tok synfaring i marka.

Det synte seg å vera ulagelege eigedomstilhøve i naustområdet og partane fekk på ny uttala seg om saka.

Retten mekla no i saka og herunder inngjekk partane friviljugt denne

Samje :

Me underteikna partar som er eigarar av gnr. 43, bnr. 1,2,3,4,5 og 8 under Ryland i Meland herad er i dag vorte samde om at naustområdet i Gamlesvika og Naustneset skal regulerast og eigast for framtida slik som nedanstående grenseskriving syner :

Grense 1, mellom bnr. 1, eigar Normann Isdal, bnr. 2, Johannes Veland og bnr. 4, Einar Danielsen sitt same naustområde på nordre sida og utmarka til bnr. 6 på motsette sida tek til i sjøen og går NA i rett line til strandlina og same retning ca. 2 m til kross i fjell (1), herfrå ANA i rett line 15,7 m i rett line mot grensemerke (2).

Grense 2, mellom bnr. 5, eigar Karl Ryland på nordre sida og utmarka til bnr. 4 på motsette sida, tek til i endepunktet av grense 1 og går i same retning og rett line som grense 1, 4,3 m til kross i fjell (2) og same retning 8,0 m til kross i fjell (3).

Grense 3, mellom bnr. 5, Karl Ryland på søre sida og bnr. 8, Ingvald Ryland på motsette sida, tek til i endepunktet av grense 2 og går VNV i rett line 14,0 m til kross i fjell (4), same retning 7,4 m til kross i fjell (5) og same retning til djupålen i vika eller marbakken i sjøen.

Grense 4, mellom naustsameiga til bnr. 1, 2 og 4 på søre sida og bnr. 5 på motsette sida, tek til i endepunktet av grense 1 og går VtH i rett line 4,5 m til kross i fjell (6), same retning 11,7 m til kross i fjell (7) og vidare i same retn. 8,5 m til kross i fjell (8).

Grense 5, mellom flytebyggjeområdet til bnr. 1,2,3,4,5 og 8 på søre sida og bnr. 5 på motsette sida, tek til i endepunktet av grense 4 og går V i rett line 4,4 m til kross i fjell (9) og same retning til marbakken i sjøen.

Grense 6, mellom flytebyggjeområdet til bnr. 1,2,3,4,5 og 8 på vestre sida og det same naustområdet til bnr. 1, 2 og 4 på motsette sida, tek til i endepunktet av grense 4 og går SVtS i rett line 6,0 m til kross i fjell (10) og same retning til marbakken i sjøen.

Bnr. 8 grensar i nord til naustteigen eller naustretten til Olav Ryland og i aust til den tidlegare sameigegrense, men desse grensar er som før og urårde ved samja.

Frå flytebyggjeområdet mellom grense 5 og 6 skal det gå ein veg av 1,5 m breidd på nordsida av grense 4 og vidare nordaust

og austover slik som avlagd på kartet. Vegene er til sams bruk for bnr. 1-5 og 8. Likeeins skal naustvegen for bnr. 8 gå på sørsida av naustet til Olav Ryland slik som avlagd på kartet.

Vegane kan utbetrast.

Eigaren av bnr. 1, 2 og 4 tilpliktar seg å vera med ved byggjing av eit sams naust på det her utlagde sams naustområde for dei sidsnevnde bruk. Bnr. 4 har då rett å overtaka den austre del av det sams naust. Dette naustet skal oppførast etter vanleg kostnad. I naustet skal vera heile faste delevegger.

Eigarane av bnr. 1,2,3,4,5 og 8 tilpliktar seg å ta del i kostnader ved ei sams flytebyggje i sjøen vest for området mellom grense 5 og 6, men eigaren av bnr. 5, Karl Ryland eller seinare eigar av dette bruk skal ha rett på den nordaustlegaste liggjeplassen for båt ved flytebyggja.

Vi har godteke det framlagde kart for Naustneset. Saka vert sett i verk straks.

Det av den tidlegare sameige ved den gamle nausttomten til bnr. 3 og på nordsida av naustet til Olav Ryland skal heretter tilhøyra bnr. 3 som full eigedom.

Semja er kunngjort i dag den 4. september ved oppløsing av rettsboka.

Semja vedteka.

Ryland, den 4. september 1973.

Normann Isdal (s)

for bnr. 1

Øivind Olsen (s)

for bnr. 3 etter skriftleg

fullmakt til semje.

Karl Ryland (s)

for bnr. 5

Johannes Veland (s)

for bnr. 2

Einar Danielsen d.y. (s)

for bnr. 4

Ingvald Ryland (s)

for bnr. 8

Den same tinglyste avskrift av saka vert å taka vare på av bnr. 5 til sams bruk for alle partane.

KART
over
NAUSTNEST
Gnr. 43
RYLAND
MELAND HERAD

